

钗花龕诗影
上册



831690

影劍

華

龕

詩

附詩餘

天地間可以不作詩者其誰佛乎佛云

無眼界又云無意識界二根却詩不來

矣有眼破萬卷書以完其神更得觀

世界覽江山風物之勝憑吊古今以助其

浩汗纏綿之氣然後抒新語出傑識

于是乎不能無詩乃於是乎可存

五劍花龕主人而自寫其詩可憐

主人困於境行年二十者七而有蓬之

心身福讀書又未種山水依躡之羈縻

蒼冥之嗷嗷一蛇蚓號之復何苦然而

不覺眼亦無意識且頗有情之餘年

來夕陽方早而屋燈宏者動於中

輒難消遣遂時有作已漫隨手及去
是歲之春忽作一幻境每好忘語有所
得乃未業者不知何如而過者又俄頃
交滅不可收拾是可嘆也因創敝簾
尚捨日十之一瀟寫之留此空室之影
以待續浮間出示一二素心人雅知主

二

人者或為之悲或為之惜或為之憐而
咸感皆有情者也乎不能成佛者也

道光二年壬午夏四月

劍花龕主人我生白識

劍花龕詩影

樂城陳祺齡蓮浦

海棠

睡情酣態恰堪思嫩蕊含春半破時惱殺東風
不知趣等閒吹放兩三枝

頻來語燕定新巢

社題分得短歌

前村社罷草又芳紫燕雙雙繞畫梁舊主乍逢
情戀戀新巢欲定語琅琅落花徑裏朝復暮尋
劍花龕詩影

得香泥頻拂戶巡檐飛去又飛來經時別意從
頭訴湘簾颯起翠玲瓏曲榭重樓處處通倦眼
迷離情鄭重一雙秋水翦春風去年相送長相
憶今年相見還相識江天問夢幾時醒瑋瑋含
情終不息作對商量深巷西夕陽一片小橋低
晚歸花裏金鈴響繡箔風閒睇處迷長宵好傍
銀缸住錦幃翠幕深深護說與侍兒莫捲簾恐
教驚起別家去

人影

色空空即色真假假還真倚月人留影挑燈影
幻人行行原有待步步總相親無我亦無爾茫
茫未了因

燈花

風靜湘簾夜花凝畫燭時三更占遠客一點結
情癡橄欖心能熱蜻蜓眼乍垂西窗閒話久玉
剪莫輕施

劍花龕詩影

夏夜納涼偶成三絕句

中宵何處發清芬夢覺香凝帳底雲花影橫斜
風露冷一簾青靄碧氤氳

無言覓句倚黃昏風透簾櫳落月痕偶何菱荷
池畔立好收花氣入詩魂

碧空如洗夜將殘斜月隨人共倚闌還傍小樓
攜玉笛一聲吹破綠雲寒

荷花曲

荷花紅荷葉綠綠葉田田花馥馥花香馥馥好
風吹脈脈含情半放時芳姿浥露嬌如語粉靨
迎人嫩欲垂羅襪曾經步仙子凌波瓣瓣香風
起多情花下睡鴛鴦交頸雙雙荷葉底葉底鴛
鴦真可羨飛來飛去荷花畔願作鴛鴦共飛止
豔情香夢宿花裏癡想無端何誰說此情惟與
花相結荷花相對似相親恨煞清波隔斷人

雨晴

劍花龕詩影

三

新雨初收景色清簾雲幾處綠猶橫庭花含露
有矜色野鳥喚晴多喜聲一縷茶烟甦酒夢二
分秋意逗詩情長吟未穩推敲處鷺見斜陽隔
樹明

中宵

芭蕉風捲響蕭蕭滿地花陰不易描何處倚樓
人未睡一聲玉笛起中宵

如有所觸

蝴蝶雙飛入睡魔
關心脈脈意如何
鶯花笑傲三千界
風月因緣一曲歌
酒客於今名士少
仙家大半女兒多
癡情無限渾難解
明月浮雲淡絳河

七夕

玉河一片水長橫
盡道經年別恨縈
見說仙家年作日
雙星未必有離情

河漢

劍花龕詩影

四

新秋七月七午夜
望河漢河漢秋最明
清影分明見微雲
點綴亦何妨
永夜盈盈一水長
盈盈一水長
縹緲隔斷情緣知多少
經歲天孫一度過
此夕雙星怕天曉
天孫歸去不能留
仍然一派空皎皎
明河兮明河
天孫歸矣可奈何

將曉

半輪斜月落冷露
滴階明地有光
何白天臨曉
最清無言時
自問有夢也多情
默默思量處
沈沈

吟繞砌行

十六夜月

漫言三五是佳期二八嬋娟正及時看到今宵
圓不減較將昨夜出微遲清輝依舊如隨我好
景何妨爲補詩此夕風光休再負玉輪明日幾
分虧

蛩

觸處秋聲易動悲秋蟲唧唧意何爲入來牀下

劍花龕詩影

五

如依我喚到更闌欲訴誰一片閒情吟客枕二
分明月豆花籬那堪少睡偏驚覺正是懷入入
夢時

試茗

收來八月雨活火地爐烹瓦鼎寒蟲喚瓷杯釋
女擎水臨秋最淨味較夏猶清驅遣睡魔去無
眠到二更

秋氣社題

一點閒情一片秋秋情脈脈意悠悠有時對景
偶相感無事關心也動愁悵望每深明月夜相
思多在小樓頭西風吹夢知何處無那撩人恨
不休

閨曉

窗外鳥聲歡驚人睡不安倦眸羞曉日香夢怯
春寒擁被重眠好擡身欲起難海棠開也未呼
婢捲簾看

劍花龕詩影

六

夜雨

喜聽樓頭夜雨聲杏花時節近清明料應花也
似人意祇愛春陰不愛晴

偶然

偶然雅意似不恹月落小庭夜若何倚枕三春
狂杜牧垂簾一室病維摩詩如有債償難盡事
每無心遇轉多箇裏因緣人不解起來獨自看
星河

夏夜

向晚暑猶熾濃雲東去忙近村應得雨入夜頓
生涼月影斜穿樹花陰亂上牆低頭步階砌清
露溼衣裳

遊仙五首

用曹堯賓原題

劉晨阮肇遊天台

偶然忘卻入山深夢雨靈風聳碧岑千點桃花
如有約一溪流本無心青山闕處仙雲補玉
劍花龕詩影

七

洞晴時綠樹陰徙倚林間迷近遠茫茫源路自
家尋

劉阮洞中遇仙子

烟嵐縹緲恍前因瞥眼俄驚世界新繞澗彩鸞
鳴玉樹隔花仙犬吠輕塵麝蘭香近初聞語環
佩聲來忽有人一笑相迎留客住胡麻領畧洞
中春

仙子送劉阮出洞

劉郎擬共阮郎歸相送雙雙出翠微此地風光
難遠捨故鄉景物恐全非殷勤指點曾來路惆
悵留連欲落暉他日重逢更何處紅塵望斷彩
雲飛

仙子洞中有懷劉阮

雲罨重門不捲簾離懷無那意慊慊玉池露冷
紅蓮涇閨苑春深碧草織塵慮幾番縈夢裏黛
痕半縷蹙眉尖青鸞不識人間路空束珍珠字

劍花龕詩影

八

一縑

劉阮再到天台不復見諸仙子

巖石當年似可親再來無復舊時春仙雲綠樹
都成幻流水桃花別有因得毋今番全是夢轉
疑前度也非真如何曾向天台過又作山邊問
路人

東村夜歸

出門一二里夜色已蒼茫樹密村烟合月斜人

影長一行妨露滑幾陣喜風涼不忍便歸去徘徊步石梁

獨坐

獨坐閒庭晚庭陰下短牆笛飄雲外曲花放夜來香何處一蟬早有時雙燕忙清風偶然至夏月似秋涼

急雨

急雨濺屋瓦迴風作亂烟電飛千丈紫雷墮一

劍花龕詩影

九

聲圓溼烏沒檐重欹花倚檻偏須臾乍開霽雲斷夕陽邊

新秋

昨日梧桐樹纔飄一葉輕今宵河漢影似較舊時明露坐衣初薄長吟氣自清樓西有新月已覺動秋情

雨後早起

雨聲入夢夢魂香好睡初醒見曙光曉起乍憐

衣漸薄夜來卻憶枕尤涼數聲啼鳥清依水一
片蒼苔綠上牆階下瓶罍看盡滿新茶還共阿
誰嘗

秋夜

秋雨清多響秋花冷更香關心無箇事一枕夢
魂涼

小院幽懷

曉起秋光冷碧梧夜來風雨記模糊小庭一徑
劍花龍詩影

十

花欹倒獨向蒼苔手自扶

閒情

涼影落庭樹飄然夜氣浮露濃疑作雨花嫩不
禁秋吹笛誰家月懷人何處樓閒情正無限河
漢已西流

夢中作

夢隨明月度雲屏玉宇瓊樓冷不扃飛入廣寒
宮闕裏新詩吟與素娥聽

水仙次韻

淡無言處劇堪憐
不染塵埃便是仙
欲借微波託情愫
夜深相對未成眠
燈前清供紙窗虛
落影珊珊畫不如
自是冰肌能耐冷
玉盆水淺雪晴初
冷若無情恰有神
瀟湘何處問前身
不知帳底眠香客
可有江皋解佩人

和蕭柳艇述懷

劍花龕詩影

十一

知君翹首望慈幃
久別能教不憶歸
桑梓雲山情稍慰
門牆桃李雨初肥
有方何慮他鄉遠
欲報休歌寸草微
正是清和好時節
還須排遣莫歔歔

遙憶深閨數客期
嬌兒弱女賴攜持
陌頭折柳羞眉黛
樓上看花如口脂
歸興也知濃似酒
離愁且莫亂如絲
誤人最是還家夢
珍重羅幃欲下時

雨後同人集古桐書夜話

一雨洗炎暑新涼入夜生羣賢多雅興小集話
閒情露重羅衣溼宵深玉笛清語來忘坐久街
鼓已三更

蕙紈扇

畫半身美人
拈紅豆一粒

一握冰紈妙寫真消魂何必現全身最憐月落
懷中影錯認花開鏡裏春紅豆拈來應入夢翠
眉低處恰傳神與卿且作團圓想遮莫桃源隔

劍花龕詩影

十一

斷人

七夕

一年一渡玉河秋甚日天孫得自由知道仙家
應笑說關他何事替人愁

花朝

南園芳信尙迢迢春半餘寒未肯消獨坐小樓
情緒懶可憐今日是花朝

白丁香

不將顏色媚東風
細蕊幽香自一叢
幾度懷人拈結子
花陰春月透玲瓏

和人詩四首

明妃怨

紫臺不用弔紅粧
贏得千秋姓字芳
若使埋香玉門裏
塚生青草亦尋常

征婦吟

別路長條幾日攀
瓜期定擬唱刀環
年來塞上劍花龕
詩影無征戰未要紅
閨盼玉關

並頭蓮

十三好女尙垂髻
偷向花閒弄畫橈
荳蔻梢頭春乍動
攀來無語自魂消

采蓮曲

蘭舟一棹入芳池
欲折芙蓉有所思
不采蓮花采蓮箭
箇中情味要郎知

夢回

蝴蝶飛何處
朦朧曉夢回
昨宵應有雨
涼到枕邊來
被冷情猶戀
窗明眼乍開
關心樓畔柳
含露拂蒼苔

贈毓梅

江北江南各一天
素心歡結定前緣
新知半載真投契
舊約三生欲證禪
談笑每教忘主客
送迎那更有周旋
踈狂似我偏能諒
風調如君亦可憐

劍花龕詩影

古

驟雨

砰然雷墮黑雲頭
驟雨翻盆瀉不休
懸溜挂檐聲訝瀑
平波繞屋坐如舟
洗清大地鷺塵淨
藏住驕陽溽暑收
曾臆頓開幽興發
軒渠狂笑一登樓

蕉扇

綠葉翦芭蕉
翦作團團扇
紈素憑人懷
紅粧誰障面
秋雨已聽多
秋風更經慣
縱令篋笥捐不

學班姬怨

七月初六夜作

待得團圓後歡情轉易消相逢纔一夕相別又
明朝惟盼銀河上凌波早駕橋微雲預相望最
好是今宵

七夕 是歲閏六月

相見經年已恨遲無端置閨又愆期平添一月
愁多少雲錦機邊有亂絲

劍花龕詩影

五

題枕

化蝶笑莊生夢魂終未絕伏枕萬緣空箇裏光
瑩澈

雨後聞笛

涼雨洗秋月破雲一鏡明月中照殘滴滴碎月
光瑩對此發清興誰家玉笛聲滿庭梧影溼吹
冷倚樓情

送毓梅赴清源

年年旅况已深嘗，卻向青齊又趣裝。故里別來同是客，全家住處卽爲鄉。人勞遠夢吳江冷，聊慰歸心濟水長。合唱刀環送君去，無須揮淚各沾裳。

慈幃三載缺晨昏，計日喧傳客到門。但有歡情難盡說，翻教離緒不遑論。令開明鏡拭塵跡，代解征衣認線痕。羨煞北堂萱草茂，三春暉裏笑言溫。

劍花龕詩影

去

未了青山望眼遮，合原遙阻客途賒。漫言雪印飛鴻爪，伫見枝連玉樹花。草乍生時尋夢蝶，雨同聽處隔窗紗。聯牀好話三年別，想得宵深尙煮茶。

已向藍橋定夙因，鸞膠重續及良辰。風傳蘭麝搖仙佩，月伴笙歌簇畫輪。翡翠簾垂消永夜，鴛鴦帳暖護濃春。紅閨尙有聯吟句，莫忘瑤箋寄故人。

恩恩行色已難留一曲驪歌唱晚秋歸去綠君
多至樂別來令我忘離愁良言金玉勞相贈風
志雲霄願共酬他日重逢話疇昔淩風九萬快
同遊枉詩留別慰勉
懃懃感而發此

落葉

一種疎黃變綠雲愛尋秋影立斜曛隨風莫入
朱門去花柳情懷怕見君

拾來一片認秋聲偶觸閒心恨又生欲寄相思
劍花龜詩影

七

託題句可憐流水太無情

消寒四詠社題

圍爐

不愁涼夜共青甕爲蒸薰爐好接歡一室晤言
忘凜冽四圍合坐愛團圓頻添活火原知暖偶
撥餘灰也未寒莫道精神凜冰雪熱腸相向世
應難

酌酒

雪壓簾櫳夜氣涼
小樓促坐共傾觴
一杯綠泛瓊漿影
雙頰紅生暖玉香
春色長留真樂國
寒威不到是吾鄉
但憑助興歡詩友
未要澆愁學酒狂

炙硯

冰炭論交亦復佳
紫瓊一角養雲華
春生斑管時垂露
水泛松烟欲變霞
儘我拂箋題錦字
是誰呵凍寫梅花
石田氣暖溫如玉
不待晴暉上

劍花龕詩影

六

碧紗

披裘

樓頭曉起減輕寒
新著羊裘特地寬
喚取隨身過歲晚
別來回首憶春殘
有時攏袖閒看弈
尙覺尋梅怯倚闌
何事富春江上客
孤舟風雪一漁竿

竹外一枝斜更好

社題

玉妃獨立香魂冷
斜倚湘娥情不整
好持鳳帚

掃天花更覺亭亭助清影還將清影說人閒人
閒風格亦珊珊壽陽公主嬌無力倦壓瑤階翠
袖寒

冬閨詞 社題

繡衾香冷夢初回曉起臨粧玉鏡開
賸得殘脂新豔好消寒圖上點紅梅

隔簾寒意透金鉤雪壓閣千映畫樓
呼婢收來試新茗一杯香嫩乳花浮

劍花籠詩影

十九

箇儂生小愛天真懶著濃粧逗笑
頰好折寒梅伴清夢玉瓶香影認前身

銀燭光搖繡幙深圍爐姊妹話同心
侍兒解得思眠意雙藝香篝展夜衾

憶梅一首寄毓梅

我愛梅花清日日巡檐步早春忽閉
關花竟隔良晤一日不見花相思渺
誰訴掩卷自沈吟擬作賞心遇人雖
與花違花或將人顧香雪共一

枝寒窗靜相護相對理舊書相對吟新句想像
壽陽粧低徊廣平賦幽意忽然欣然此計良不悞
誰料惜花心又被花風妒有客款蓬門閒言久
相絮待至送客歸客歸日已暮梅花期不來相
違復中路涼夜不成眠欲寐旋又寤人夢少幽
香春宵歎虛度輾轉念不忘挑燈拂繡素聊作
憶梅詩寄與池邊樹

花朝微雨見新柳有作

劍花龕詩影

二十

細雨如絲冒柳枝柳枝低亞惹相思二分春色
憐今日三疊陽關憶去時夢冷西樓人起早烟
迷南陌客歸遲風光一半愁辜負怕詠燕臺懊
惱詞

問花詞

盈盈十五如花女小立花陰對花語花可憐儂
儂羨花與花願結同心侶此意問花花不言含
情一笑如相許惜花不忍折花還爭愛離花又

惘然待儂化作花閒蝶長抱花枝一處眠

偶然作

我有大妙法世人皆不知凡我意所寄一一能
遂之有時色然喜如吹竹彈絲有時渺然愁如
月落花飛有時涉遐想如春草露滋有時發逸
情如秋水雲移有時色軒軒醉興頗淋漓有時
態栩栩夢影殊歲襲有時學遊仙脈脈靈河思
有時聽虛籟泠泠天風吹念所不能忘情所不

劍花龕詩影

三

自持無可奈何處聊復爾耳時明珠發其采美
玉呈其姿空行亦何礙俗見安足窺拈花有真
諦神悟乃在癡借問法何若含笑吟吾詩

贈別王穀菴

一見始如故吾曾笑古人與君未相見兩意已
相親良覲欣初獲詩情欲其陳那堪纔一夕又
早動歸輪

題畫帶雪桃花

誰將一幅薛濤箋畫出三月清寒天雪花清冷
桃花妍畫工此意誰能傳疑是天台仙洞裏千
樹桃花傍溪水四時風景總如春玉樓銀海紅
雲起惆悵仙山路已迷仙花未見難描似露井
風開雪尚堆人間安有春如此不然或是悟紅
塵聊借花枝指向人幾日紅顏終白首令人見
畫惜青春既作紅顏甘命薄桃花原不悲榮落
美人從古無白頭此理還須更斟酌斟酌難求

劍花龕詩影

三五

染翰心披圖隱几自沈吟安得畫中花解語與
儂細話綠窗陰迷離恹恹尋思久神情默向華
胥走果然癡想竟生因夢見花魂開笑口不是
仙山別有春不是紅顏能白首美人風格異凡
流不與尋常脂粉儔縞袂仙人原耐冷素縑越
女每含愁豔似桃花清似雪色自嬌紅情自潔
濃芳倩影迴離塵借花寫照無差別感君輾轉
有癡情不憚殷勤細陳說遽然而覺色然喜髻

鬢花言猶在耳摩紗倦眼欲相留白雪桃花壓
腕底急將夢語綴成詩題向花邊花可知

寄懷翟端卿

兩回相見卽相知小住情形足繫思啜茗窗前
評舊印挑燈樓上讀新詩深宵暢敘眠何晚侵
曉堅留起不遲惆悵素心人乍別楊花滿路獨
歸時

東風無賴又殘春正是相思隔樹雲八韻幸成

劍花龕詩影

三

聊代簡一樽獨對漫論文愁將離緒懷芳草諒
有同情悵夕曛爲問連宵見儂否夢魂夜夜要
尋君

送毓梅

欲說從何處臨岐萬種情相攜轉無語凝立看
君行

雲屏

雪屏隔夢秋蟾冷琉璃光瀉紅牆影露溼瓊花

渺渺香銀蠶絲弱芬難整雁在勻排想翠絃錦
囊斜抱又經年懷中碧玉暖生未何人淚滴紅
珠圓舊時條脫殷勤護芙蓉密字藏縑素白玉
花開絳節歸彤雲遠挂相思樹香入清簫頰暈
融低鬟欲咽含桃紅仙夢分明記仙語軟塵下
視何朦朧

見新月

夜夜關心盼玉鉤今宵喜見挂西樓倚闌笑向
劍花龕詩影

二

嫦娥問也有同情憶我不

代人作四首 社題

蕉雨

此君彈草莫輕修留得蕭蕭寫素秋底事一絨
書乍拆恰令千點淚難收夢尋苔徑分羅扇響
到筠簾答玉鉤裁作長箋記新句吟情涼入溼
雲頭

竹風

蕭然竹玉弄秋聲一檻風來小院清隔牖忽看
涼影動開簾錯當故人迎青鸞有信疑懷約綠
鳳留音若寄情好是泠泠添爽籟此君瀟灑自
平生

梧月

雙梧醉倚小庭幽涼月殷勤爲客留幾片濃陰
三徑溼半輪清影一闌秋碧雲吹墮誰家笛紅
袖吟看何處樓回憶昨宵金井畔斜風疎雨使

劍花龕詩影

三五

人愁

荷露

瘦影亭亭照碧塘冷添清露點秋光月分仙掌
銅盤影夢入峯頭玉井香翠扇曾舉江路遠明
珠欲寄隴雲涼荷衣好共芳蘭佩栢下何人繫
綵囊

擬古一首送金心丹返樵李

青青山上竹猗猗山下蘭亭亭古梅花謂毓置

身於其閒以彼梅花香結此清冷緣從此成三
友相引爲古歡何來閩苑書緘札附青鸞聘梅
渡江去二友空長歎相期保歲晚無爲復棄捐
一朝修竹心悠然念故園家住雲水鄉胡爲久
不還化作綠鳳凰隨雲竟南旋颯颯秋風來冷
泠秋露寒幽蘭倚空谷清淚不能乾

西風撼庭樹君子乍言歸輕舟繫河干舟人苦
相催憶昔初見君朗朗明月輝感君有真意許

劍花龕詩影

三

君相倚依一日不相見便如三秋期今日與君
別安得不傷悲送君至河上臨別牽君衣一路
歷風波秋色感人思况君猶抱疾易爲風露欺
不能隨君去珍重當自知叮嚀復叮嚀泣下不
可揮明年南風發盼君復北回無忘此時約使
妾啼空幃

聞雁

竟夜不肯宿飛鳴何太忙影迷雲路遠聲助月

痕涼虛閣夢千里美人天一方相思書欲寄君
可過瀟湘

對菊

五柳先生去黃花無故人孤標甘冷落佳色辱
風塵我亦未離俗君當不厭貧淡然相對處慨
想葛天民

九日秋塘程丈招詣獻陵晚歸呈此

有客有客何蕭騷生平結想高山高况當九月

劍花龕詩影

三七

之九日意氣更轅平時豪安得孤峯直上一千
尺洪崖浮邱拍手而相招我乃攝衣陟其頂冷
冷如借天風飄頭插淵明菊手題劉郎儻狂歌
擊節衆山應千巖落木爭蕭蕭白眼上看青天
沈寥俯見世界紅塵囂囂大笑爲傾酒一斗人
間俗濁一齊澆乃覺曾懷蕩滌而軒豁方信神
仙豪傑皆吾曹可怪青山苦避樂壽不肯到令
我半生神遊夢遇空煩勞遐想不稱意塔焉獨

無聊雖然難尋者勝地易過者良朝俗吏不撓
阻風雨不漂搖佳如此節竟虛度祇恐紅萸黃
菊相譏嘲果然伊川夫子興不淺飛來一紙書
相邀座有廣寒斫桂之仙客吳琴逸更有翩翩公
子尤風標命嗣用年攜手同車出城闕駕言東向循
平皋行行十里望古匪遙遺陵久著獻王跡千
秋高塚猶嘒嘒拾級同登古殿址卧鐘斷碣何
蕭條四圍短垣半缺裂塚旁孔穴紛周遭村童

劍花龕詩影

二天

言之尙凜凜夜深時有狐狸嗥吁嗟乎宋主臺
登舊戲馬齊王館啟新商颿曾爲重陽展公讌
觥籌交錯歡賓僚一時風景亦云盛至今何處
尋蓬蒿何如賢王獨力扶大雅漢京令聞常昭
昭縱然廊廡頗荒落千年俎豆終不泯慨然懷
古話未已斜日已挂疎林梢還車言邁餘興未
消叩村徑款蓬茅啜茗代香醪歸來蓮幕復
叨惠粉餈棗餌工刻雕謝君寵召得遊騁使人

古意曾全包斯遊差不負斯日賦詩記事爭敢
辭腹枵快哉勝地何必高山高

對花

秋花不及春花紅春花不若秋花久我視春花
當美人我待秋花如良友於今日日對秋花風
雨簾櫳長聚首美人渺渺空相思相思遠寄能
知否

蘭玉行爲宋烈女作 李邑侯有啓徵詩

劍花龕詩影

三

紅蘭香白玉潔蘭可摧玉可折潔終不汙香不
滅不見宋氏媛嚼然浚冰雪 一解 女樂城人生

長貧家賢聲藉藉素爲鄰里誇其心不滓其色
自華皎皎兮秋月亭亭兮春花 二解 有父有母

無兄無弟菽水承歡誰盡其禮父母則喜女子
如子粹然待嫁深閨裏 二解 何來鶴鷗惡且迷

女貞木側公然啼有無賴子覘女室幸無人在
橫相欺磨刀霍霍向女而立弱質輕盈拒之無

力斯時也但見紙窗茅屋白日黯黯風淒淒

四解女自念勢惟死耳何畏縮更不驚心反張目

正言侃侃詈且呼貞心卓立無踟躕鼠子何爲

若我是淤泥不染之芳軀匪人不寤轉增其怒

五解言未止刀已起蕩手纖纖斷其指白刃濺

血插紅顏含笑死六解賢侯宰是邦化行俗美

除惡明良急爲請旌表章煌煌急爲置法枷

鎖銀銀人心既快公猶深自傷彰善無已心傍

劍花龕詩影

三

七解程口傳懼訛碑鐫懼磨且爲奈何公乃徵

詩被諸絃歌八解

有所答

自是蕭騷慣非關有意爲怕逢拘束客愛讀性

靈詩風趣得由我疎狂笑任伊多情知未免不

敢諱言癡

曉起驟寒

凍醒蝴蝶魂布衾僵似鐵隔窗聞小童謔向老

嫗說今朝雖放晴一夜北風烈公然甕中水竟
有層冰結披衣試開門粟起色不悅咄哉此寒
威驟來何奇絕我欲與之抗檢出敝裘褻著來
反覆看與汝半年別恰如逢故人情懷劇親切
更暖酒一壺捧盞急狂啜纔傾兩斗餘肝腸一
齊熱陡覺體生春軒軒忘凜冽乃知助精神不
在澡冰雪

寫前詩與吳琴逸承惠和有君欲驅之去

劍花龕詩影

三

予獨思之切冷淡是生涯不學熱中熱
等句殆矯俗之言也疊韻再呈一首

讀君愛寒詩筆勁可屈鐵朗朗淨聰明妙法現
身說恍對古梅花噴出寒芳烈賤子如夏蟲不
覺舌爲結知君挺孤標不苟求世悅趨彼而守
此寄志何清絕乃又發妄言幸勿怪鄙褻冷暖
與炎涼本來有區別矯首世俗中無爲太激切
漁父固有言其醕亦可啜莫學冰之寒莫學炭

之熱論交互調劑不燥亦不冽君盍訪故人
棹山陰雪

又蒙枉和再疊前韻奉答兼以寄懷

君真招涼珠我非知時鐵竟把野狐禪亂向詩
佛說敢云樹兩幟心兵互揚烈乃更賜新篇一
串牟尼結投瓦引瓊來私心大歡悅但形溫蠖
懷俗情終未絕謹貯古錦囊什襲不敢褻獨念
室匪遙乃令常闊別側身東望勞脉脉相思切
劍花龕詩影

三

有酒不共斟有茗但獨啜幸屢獲德音稍慰此
心熱如飲醇醪醇如占冽井冽何當趨絳帷拱
立程門雪

君設帷程丈家

27
%200

